

經

義

述

聞

經義述聞第五

高郵王引之

毛詩上五十一條

維葉莫莫 我馬元黃 薄言有之 翹翹錯薪 伐
其條枚 振振公姓 維鳩方之 被之僮僮 素絲
五緘 三五在東 如有隱憂 曷維其亾 終風且
暴 湲則厲 濟盈不濡軌 伊子來塹 汎汎其景
作于楚宮 匪直也人 眾穉且狂 士貳其行
能不我知 暎其濕矣 亦莫我聞 咸林 兩服上
襄 邦之司直 遵大路兮 立言飲酒 知子之來
之 子之還兮 指我謂我儂兮 其魚魴鰈 抑若

揚兮 舞則選兮射則貫兮 行役夙夜無寐 爰得
我直 子有廷內 素衣朱襪 子兮子兮 王事靡
盥 人之爲言 奉時辰牡 有紀有堂 衡門之下
歌以訊止 猗儺其枝 一之日 七月鳴鵙 宵
爾索綯 亦孔之將

維葉莫莫 莫莫葛藟

家大人曰。廣雅曰。莫莫茂也。周南葛覃篇。維葉莫莫。大
雅旱麓篇。莫莫葛藟。皆是茂盛之貌。毛傳因是刈是蕩
而云莫莫成就之貌。因施于條枚。而云莫莫施貌。緣詞
生訓。皆非也。莫莫葛藟。猶言維葉莫莫。維葉莫莫。猶言

維葉萋萋耳。

毛傳。萋萋。茂盛貌。

我馬元黃 何草不黃 何草不元

卷耳篇。我馬虺隤。我馬元黃。毛傳曰。虺隤病也。元馬病則黃。小雅何草不黃篇。何草不黃。何草不元。箋謂黃爲歲晚草黃。元爲始春之時。草牙孽者將生。必元。引之謹案。虺隤。疊韻字。元黃。雙聲字。皆謂病貌也。傳言元馬病則黃。失之。何草不黃。何草不元。元黃亦病也。猶言無草不病。無木不萎也。以草病與人之勞瘁。亦中谷有蕓。其乾矣之意。箋言歲始草元。歲晚草黃。亦失之。爾雅曰。虺隤元黃病也。凡物病皆得稱之。孫炎屬之馬。郭璞屬

之人皆非也。孫炎曰。虺積馬罷不能升高之病。元黃馬病之通名。而說者便謂之馬病。失其義也。詩言何草不黃。何草不元。以是明

言藏之而次章復言掇之摛之則非其次矣。大雅瞻卬篇曰。人有土田。女反有之。人有民人。女覆奪之。是有爲取也。

翹翹鎔薪

家大人曰。漢廣篇。翹翹鎔薪。言刈其楚。翹翹與鎔薪連文。則翹翹爲眾多之貌。言於眾薪之中。刈取其高者耳。傳箋以翹翹爲高。則與下句相複。廣雅曰。翹翹。眾也。義蓋本於三家。

伐其條枚 伐其條肄 施于條枚

汝墳篇。伐其條枚。毛傳曰。枝曰條。餘曰枚。正義曰。以枚

非木。則條亦非木。明是枝幹相對爲名耳。終南云。有條有梅。文與梅連。則條亦木名。故傳曰。條栢。與此異也。下章言條肄。亦非木名也。引之謹案。三復文義。仍當訓爲有條。有梅之條。謂伐其條樹之枚。伐其條樹之肄耳。遵彼汝墳。伐其條枚。猶言陟彼高岡。析其柞薪。第七字。木名也。再以全詩之例考之。詩凡言伐木者。或直稱爲木。爲薪爲林。如云。伐木丁丁。伐木掎矣。析薪也矣。析薪如之何。會伐平林。木也。薪也。林也。皆大名也。或專指其木之名。如云。翹翹鎬薪。言刈其楚。蔽芾甘棠。勿剪勿伐。樹之榛栗。椅桐梓漆。爰伐琴瑟。坎坎伐檀兮。墓門有棘。斧

以斯之蠶月條桑。取彼斧斯。以伐遠揚。薪是穫薪。析其
柞薪。樵彼桑薪。芄芄棫樸。薪之楨之。徂來之松。新甫之
柏。是斲是度。松柏九九。是斲是遷。皆是也。若不舉大名。
又不專舉其木之名。而遽云伐其枝幹。則文不成義。傳
說疏矣。大雅旱麓篇。莫莫葛藟。施于條枚。箋曰。葛也。藟
也。延蔓於木之枝本而茂盛。此說亦非也。莫莫葛藟。施
于條枚。猶言葛與女蘿施于松上。第七字。木名也。詩凡
言葛生蒙楚。葛生蒙棘。有敦瓜苦。烝在栗薪。南有樛木。
葛藟纍之。南有樛木。甘瓠纍之。皆實指其所依之樹。不
得如箋所云也。

振振公姓 振振公族

麟之趾篇振振公姓。振振公族。毛傳曰。公姓。公同姓。公族。公同祖。集傳曰。公姓。公孫也。姓之爲言生也。引之謹案。公姓公族皆謂子孫也。古者謂子孫曰姓。或曰子姓。字通作生。商頌殷武曰。以保我後生。箋曰。以此全守我子孫。特牲饋食禮。子姓兄弟如主人之服。鄭注曰。所祭者之子孫。言子姓者。子之所生。曲禮曰。納女於天子。曰備百姓。鄭注曰。姓之言生也。天子皇后以下百二十人。廣子姓也。玉藻曰。縞冠元武。子姓之冠也。注曰。謂父有喪服。子爲之不純吉也。犬傳曰。其庶姓別於上而戚單。

於下姓謂子也庶姓別於上即下文之別子爲祖日知錄曰此姓爲子姓之姓與周禮司儀之云土揖庶

姓者不同魯大記曰卿大夫父兄子姓立于東方注曰子姓

謂猗子孫也姓之言生也昭四年左傳曰問其姓對曰

余子長矣杜注曰問其姓問有子否三十二年傳曰三

后之姓於今爲庶楚語曰帥其子姓從其時享韋注曰姓同姓

也非是下文曰比爾兄弟親戚始言同姓耳吳語曰一介嫡女執箕帚以咳

姓於王宮即曲禮所謂備百姓越語曰凡我父兄昆弟及國子姓

韋注曰國子姓年在猗子同姓之列者亦非是墨子非儒篇曰子姓皆從得厭

飲食列子說符篇曰秦穆公謂伯樂曰子之年長矣子

姓有可使求馬者乎伯樂對曰臣之子皆下才也羣書

治要引尸子發蒙篇曰家人子姓和臣妾力則家富丈

人雖厚衣食無傷也子姓不和臣妾不力則家貧丈人

雖薄衣食無益也今本治要姓譌作姪姓姪草書相似故譌古無謂兄弟之子爲姪者辨見

顏氏家訓呂氏春秋疑似篇曰梁北有黎邱部有奇鬼焉善

効人之子姓昆弟之狀姓今本譌作姪六選思元賦注引此已誤韓子八經

篇曰亂之所生者六也主母后姪子姓兄弟大臣顯賢

史記外戚世家曰既驩合矣或不能成子姓魏其武安

侯傳曰跪起如子姓姓今本亦譌作姪漢書作子姓顏師古曰姓生也言同子禮若已所

庄足證史記姪字爲傳寫之譌漢書儒林傳曰丁姓字子孫廣雅曰姓

子也是姓爲子孫之通稱也公族猶公姓也莊十二年

左傳曰戴武宣穆莊之族。杜注曰宋五公之子孫。二十三年傳曰晉桓莊之族。傳注曰桓叔莊伯之子孫。成十五年傳曰二華戴族也。司城莊族也。六官者皆桓族也。昭八年傳曰陳顓頊之族也。注曰陳祖舜舜出顓頊。晉語曰天胙將在武族。韋注曰族嗣也。襄十年左傳偁陽舛姓也。使周內史選其族嗣。是族亦子孫之通稱也。公子公族皆指後嗣而言。猶螽斯之言宜爾子孫也。序曰雖衰世之公子皆信厚如麟趾之時舉公子以統下二章蓋得其旨矣。

維鳩方之

召南鵲巢篇。維鵲有巢。維鳩方之。毛傳曰。方。有之也。戴氏東原詩考正讀。方爲房。云房之猶居之也。引之謹案。鳥巢不得言房。方當讀爲放。分國切天官食醫。凡君子之食恆放焉。論語里仁篇。放於利而行。鄭孔注並曰。放。依也。墨子法儀篇。放依以從事。放亦依也。放依之放。通作方。猶放命之放。通作方也。堯典。方命圯族。今文尙書。方作放。說見段氏古文尙書異字或作旁。蒲浪切莊子齊物論篇。旁日月。挾宇宙。釋文引司馬彪注曰。旁。依也。維鵲有巢。維鳩方之者。維鵲有巢。維鳩依之也。古字多假借。後人失其讀耳。

被之僮僮 被之祁祁

召南采芣篇被之僮僮。夙夜在公。被之祁祁。薄言還歸。
毛傳曰。被。首飾也。僮僮。竦敬也。祁祁。舒緩也。去事有儀
也。家大人曰。詩言被之僮僮。被之祁祁。則僮僮祁祁。皆
是形容首飾之盛。下乃言其奉祭祀不失職耳。僮與童
通。廣雅曰。童童。盛也。釋名曰。幢童也。其貌童童然也。皆
謂盛貌也。小雅大田曰。有渰萋萋。興雲祁祁。大雅韓奕
曰。諸娣從之。祁祁如雲。是祁祁亦盛貌也。

素絲五絨

羔羊篇素絲五紵。素絲五絨。素絲五總。毛傳曰。紵。數也。
絨。縫也。總。數也。引之謹案。絨訓爲縫。本於爾雅。蓋取界

域之義

孫炎爾雅注曰絨縫之界域

今釋三章文義寔不當如爾雅

所訓純絨總皆數也五絲爲純四純爲絨四絨爲總五

純二十五絲五絨一百絲五總四百絲故詩先言五純

次言五絨次言五總也西京雜記載鄒長倩遺公孫宏

書曰五絲爲緇倍緇爲升倍升爲絨

絨今本譌作絨卑雅引此正作絨

倍絨爲紀倍紀爲縵倍縵爲襜幽風九罭釋文曰縵字

又作總然則絨者二十絲總者八十絲也孟康注漢書

王莽傳曰縵八十縵也史記孝景紀令徒隸衣七縵布

正義與孟康注同晏子春秋雜篇曰十總之布一豆之

食說文作縵云布之八十縵爲縵正與倍紀爲縵之數

相合。純之數今失其傳。案釋文曰：純本又作侖。春秋時陳公子佗字五父，則知五絲爲純，卽西京雜記之編矣。

三五在東

小星篇：瞻彼小星，三五在東。毛傳曰：三心五曜。正義曰：知三爲心者，下章云：維參與昴。昴不五星，則五非下章之昴也。五旣非昴，則三亦非參。三旣非參，而心亦三星，故知三謂心也。引之謹案：文選任昉宣德皇后令注引：論語比考識曰：吾聞帝堯率舜等升首山，觀河渚，乃有五老游渚，飛爲流星，上入昴。又引注曰：入昴宿，則復爲星。宋書符瑞志：不知長不五星，而以五老爲金、水、火、木、土五星之精，其說非是。五緯之精，無爲上入昴也。且

堯時亦無五緯聚昴之事。據此則漢以前相傳昴宿五星。故有降精

爲五老之說。其參之三星則唐風綢繆傳史記天官書已明著之。蓋參之爲言猶三也。且昴畢觜觿參相距不遠。故得俱見東方。若心囑相距甚遠。心在東則囑在西。不得言三五在東矣。三五舉其數也。參昴著其名也。其實一而已矣。古人名星多少之數或與今異。如伐三星而考工記曰熊旗六旂以象伐則合參之三星爲六矣。營室二星而考工記曰龜旒四旂以象營室。今本旒誤作蛇。辯見考丁則合東壁二星爲四矣。此古多於今也。參七星而詩以爲三星。昴七星而詩以爲五星。元命包以爲六星。

張九星而天官書以爲四星此古少於今也

如有隱憂

邛風柏舟篇耿耿不寐如有隱憂毛傳曰隱痛也正義
曰如人有痛疾之憂引之謹案如讀爲而惟有隱憂是
以不寐非謂若有隱憂也易林屯之乾曰耿耿寤寐心
懷大憂得詩人之旨矣隱卽憂心慙慙之慙字或作殷
淮南說山篇注引詩作如有殷憂文選陸機歎逝賦注
阮籍詠懷詩注謝瞻答靈運詩注劉琨勸進表注嵇康
養生論注引韓詩竝作如有殷憂說文曰慙痛也廣雅
曰殷痛也此傳曰隱痛也小雅正月篇憂心慙慙彼傳

曰慙慙然痛也。楚辭九歎志隱隱而鬱悌兮。王注曰隱

隱憂也。引詩憂心隱隱。皆其證。又案易林耿耿寤寐。心

懷大憂。以大代殷。蓋三家詩有訓殷為大者。喪大記主

之禮。鄭注。殷猶大也。莊子秋水篇曰。精小之微也。埤大

之殷也。亦通作隱。楚辭九歎帶隱虹之透地。王注。隱大

也。楚辭哀時命夜炯炯而不寐兮。懷隱憂而歷茲。王注

亦以隱憂為大憂。隱一本作殷。炯炯猶耿耿耳。楚辭遠

耿而不寐兮。耿一作炯。

忘

曷維其亡。德音不忘。壽考不忘。不可弭

綠衣篇。心之憂矣。曷維其亡。箋曰。亡之言忘也。小雅沔

水篇。心之憂矣。不可弭忘。正義曰。不可止而忘之。鄭風有女同車篇。德音不忘。箋曰。不忘者。後世傳其道德。秦風終南篇。小雅蓼蕭篇。竝曰。壽考不忘。蓼蕭正義曰。使四海稱頌之。不忘也。引之謹案。亡猶已也。作忘者。假借字耳。管子乘馬篇。今日不爲明日忘。貨莊子刻意篇。無不忘也。無不有也。史記孟嘗君傳。所期物忘其中。忘。竝與亡同。漢書武五子傳。臣聞子胥盡忠而忘其號。比干盡仁而遺其身。顏師古注。忘。亡也。淮南脩務篇。南榮嚙恥。聖道之獨亡於已。賈子勸學篇。亡作忘。曷維其亡。猶言曷維其已也。不可弭忘。猶言憂從中來。不可斷絕也。德音不忘。猶言德音不已也。壽考不忘。猶言萬壽無疆也。周語曰。萬年也者。令聞不忘之謂也。亦謂令聞不已也。
漢書賈山傳。功德立於後世而

令聞不亡其解者皆失之
字正作亡

終風且暴

家大人曰終風篇終風且暴毛詩曰終日風爲終風韓

詩曰終風西風也此皆緣詞生訓非經文本義終猶既

也言既風且暴也

南雅曰南風謂之凱風東風謂之谷風北風謂之涼風西風謂之泰風焚

輪謂之積迴風爲飄以上六句通釋詩詞而不及終風

又曰日出而風爲暴風而雨土爲霾陰而風爲晦以上三句專釋此詩之文而亦不

及終風然則終爲語詞明矣燕燕曰終溫且惠淑慎其

身北門曰終宴且貧莫知我艱小雅伐木曰神之聽之

商頌邯鄲曰既和且平

甫田曰禾易長畝終善且有正月

曰終其永懷又窘陰雨終字皆當訓爲既

主風葛藟篇終遠兄弟言

既遠兄弟也。鄭風揚之水篇終鮮兄弟言既鮮兄弟也。鄘風定之方中篇終然允臧言既而允臧也。列女傳楚昭越姬曰。晉吾先君莊王淫樂三年不聽政事。終而能改。卒霸天下。言既而能改也。既終語之轉。既已之既轉爲終。猶既盡之既轉爲終耳。解者皆失之。

澁則厲 在彼淇厲

爾雅曰。濟有澁涉。澁則厲。淺則揭。揭者揭衣也。以衣涉水爲厲。繇膝以下爲揭。繇膝以上爲涉。繇帶以上爲厲。邶風匏有苦葉篇。毛傳與爾雅同。戴氏毛鄭詩考正曰。既以衣涉水矣。則何不可涉。似與詩人託言不度淺深。將至於溺不可救之意未協。許叔重說文解字。砥屨石渡水也。引詩澁則砥。字又作瀦。省用厲。鄘道元水經注。

河水篇云。段國沙州記。吐谷渾於河上作橋。謂之河厲。此可證橋有厲名。詩之意。以淺水可褰衣而過。若水深則必依橋梁。乃可過。喻禮義之大防不可犯。衛詩淇梁。淇厲竝稱。厲固梁之屬也。足以證說文之有師承。邵氏二雲爾雅正義曰。戴伸說文以匡爾雅其說辯矣。然古字假借義相貫通。不得專主一解。衛風言淇厲無妨。橋有厲名。至於淡則厲之文當從爾雅不可易也。何則。漢世司馬相如劉向竝是小學名家。相如上林賦云。越壑厲水。大人賦云。橫厲飛泉。以正東。劉向九歎云。櫓舟航以橫瀾兮。又云。橫汨羅以下瀾。是相如劉向俱宗雅訓。

不以厲爲履石渡水也。列子說符篇縣水三十仞園流九十里有一丈夫方將厲之。是厲爲以衣涉水也。釋文引韓詩云至心曰厲。謂之至心。卽所云由帶以上。是不獨毛詩本爾雅。韓詩亦與爾雅同義也。許氏擬五經異義主於各推所長。合其要歸。故說文引經文閒存異義。要皆折衷於爾雅。其解涉字云。徒行厲水也。是許氏未嘗不以厲爲以衣涉水矣。詩之意以涉水尙當度其淺濶。矧居室可踰越於禮義乎。因喻見意。不必因履石渡水之解而傳合於橋梁也。引之謹案。厲之言陵厲也。陵水而渡。故謂之厲。厲字卽承上句涉字言之。故說文以

涉爲徒行厲水。義與爾雅同也。列子曰：有一丈夫方將厲之。宋玉大言賦亦曰：流血冲天。車不可以厲，是厲爲涉水之名。厲者橫渡之名。大人賦：橫厲飛泉是也。因而橫行亦謂之厲。漢書：陳湯傳：卒與師奔近橫厲烏孫是也。因而上行亦謂之厲。楚辭：遠遊徐弭節而高厲。大人賦：紛鴻溶而上厲是也。非謂橋梁也。自當從爾雅以衣涉水之訓爲是。且溪則厲，淺則揭，相對爲文。若以厲爲橋而曰溪，則橋斯與淺則揭之揭文不相當矣。說文以硃爲履石渡水，仍取渡涉之義。非以硃爲石橋也。衛風有狐箴：在彼淇厲。毛傳曰：厲，淺可厲之旁。案厲，謂水厓也。廣雅曰：厓，厓也。又曰：厓，厓方也。又曰：邊厓，方。厓，方也。方亦厓也。厓厓厲皆在厓之名也。

故皆訓爲方

厓在水之旁故厓可訓爲厓又可訓爲方秦風蒹葭篇曰在水一方又曰在水之隈

在水之隈毛傳渭水隈也渙厓也卽經所云水一方也故蘇武詩曰各在天一方古詩曰各在天一涯涯亦方

也二章言淇厓三章言淇側其義一也水旁謂之側亦

謂之厓水厓謂之厓亦謂之側故魏風伐檀篇寘之河

之側兮毛彼傳曰側猶厓也

史記張釋之傳從行至霸陵居北臨厓集解李奇曰

霸陵北頭厓近霸水如淳曰居高臨壘邊曰厓蘇林曰厓邊側也索隱曰厓劉氏音初吏反包愷音側義亦兩

通案厓與淇側河側同義北臨厓謂北臨霸水之厓也淇厓與淇側同義猶河干

與河側同義是淇厓爲淇水之厓非承上淇梁言之毛

以厓爲渙則厓之厓非也

毛謂渙可厓之旁則非而以厓爲水旁則是戴以

厓爲梁厓亦非也若水經注所引沙州記吐谷渾於河

上作橋。謂之河厲。自是橋梁之名。既非溪則厲之厲。又非淇厲之厲。且河厲之名。出於後代。不足以證經也。

濟盈不濡軌

家大人曰。匏有苦葉篇。濟盈不濡軌。釋文曰。軌。舊龜美反。謂車轄頭也。依傳意。宐音犯。案說文云。軌。車徹也。從車九聲。龜美反。軌。車軾前也。從車凡聲。音犯。車轄頭所謂軌也。相亂。故具論之。李成裕曰。案毛傳云。由軾以上爲軌。陸所謂依傳意。宐音犯也。又引說文以爲軌是車轍。軌是車軾前。又云。車轄頭所謂軌也。相亂。故具論之。其說未明。不知軌字自有二義。其訓爲車轍者。中庸車

同軌是也。其訓爲車轄頭者。則少儀之祭左右軌范是也。軌范竝言。則顯然兩物矣。少儀注云。周禮大馭祭兩軹祭軌。軌與軹於事同。今本事譌作車。據孔疏改正。謂轄頭也。軌與范聲同。謂軹前也。正義云。軌謂轂末。周禮大馭祭兩軹祭軌。此云祭左右軌范。兩文正同。則左右軌與兩軹是一事。故云軌與軹於事同。謂轄頭也。又云轂末之軌。此經左右軌是也。其車轍亦謂之軌。則考工記經涂九軌是。與此字同而事異也。合周禮禮記觀之。是車轄頭謂之軹。又謂之軌。轄頭在軌之下。車之濟盈。必濡其轄頭。不必作軌也。且以古音言之。軌居酉反。牡莫九反。此章

淵鷺盈鳴軌牡。用韻甚密。若軌字作軌。則出韻矣。無是理也。此處訓詁。當用鄭轉頭之說爲確。集傳讀軌作九音是也。但訓軌爲轍。轍非車上之物。則不可以言濡矣。成裕此說。足正唐以後傳注相沿之誤。又案毛傳曰。由輶以上爲軌。輶本作軸。古輶軸同聲。說文。輶。從車由聲。由與舟聲相近。故鄭風清人篇。清人在軸。與陶抽好爲韻。而釋名亦云。軸抽也。入穀中可抽出也。今直隸人呼車軸之軸聲如輶。故輶誤爲輶。軌上當有濡字。寫者脫去耳。上章傳曰。由膝以上爲涉。屬謂由帶以上。凡言由者。皆水之所濡。高下之度。此言由軸以上。亦謂水之所至也。軌者。軸之兩端。水由軸以上。則其渌滅軌。故經曰濡軌。而傳釋之曰。

由軸以上爲濡軌。與上由膝以上爲涉。屬謂由帶以上。文義正同。知非由軸以上者。軸承衡者最高。承軫者最下。但曰由軸以上。則其爲上曲而承衡之處。與下曲而承軫之處。皆未可知。不可以定水濡之高下。故不得言由軸以上也。知非由軸以上爲軌者。由軸以上乃水濡之度。上言水由軸以上。則下必言爲濡軌。始與上文相應。若無濡字。則義不可通。且上傳由膝以上爲涉。屬謂由帶以上。涉與屬皆濟水之名也。此云爲濡軌。濡軌亦濟水之名。若去濡字而但云爲軌。則軌之一字。不可以爲濟水之名。與由膝以上爲涉。由帶以上爲屬之義參。

差不一矣。故不得言由軸以上爲軌也。釋文曰：軌舊龜
美反。謂車轄頭也。蓋徐邈阮侃王肅江惇于寶李軌諸
人所見本並作由軸以上爲濡軌。軌爲軸之轄頭。故有
車轄頭之訓。陸德明孔穎達所見本軸字始謀作輶。軌
上又脫濡字。於是讀者不復知傳文所言爲水所濡之
度而誤以爲釋軌之名物。又以軌非輶上之物而疑爲
軾前之軌。唐石經因之遂改軌爲軌。則旣失其義而又
失其韵矣。余曩時說此傳以輶上不得有軌。曾謂由輶
以上之上當爲下。段氏若鷹聞而趨之旣而例以上傳
由膝以上由帶以上之交則此傳所言亦爲水濡之度

水之濡物皆由下而上則上非誤字尋文究理當是軸
誤爲軌軌上又脫濡字耳今更正其義如此惜若磨已
沒不及就正也引之謹案水由軸以上則濡軸矣經不
云濡軸者軸在軫下爲軫所蔽不若轉頭爲人所易見
故以易見者言之而云濡軌晏子春秋諫篇曰景公爲
西曲潢其深滅軌滅者沒也水由軸以上則轉頭沒入
水中故曰滅軌此與文選懷舊賦轍含冰以滅軌不同
彼謂寒冬水淺之時乘車濟洛轍中含
冰其迹漫滅也若水淺則豈但滅轍而已晏子其深滅
軌乃狀其潢池之深則當謂水過轉頭方見其深若謂
水裁滅轍則是淺池而非潢不言滅軸而言滅軌亦以
池矣段氏合以爲一非也
易見者言之也猶少儀祭左右軌而不祭軸但祭其易

見者耳。又案由膝以上謂水裁過膝猶未至於帶也。由帶以上謂水裁過帶猶未至於胷也。故毛傳釋淡則厲曰由帶以上而韓詩曰至心曰厲。見釋文。則去帶不遠可知。以此推之由軸以上亦謂水裁過軸猶未至於軫也。至軫則不可以濟矣。水去軸未遠則但謂之濡軌而其度已明若由軸而軫而較皆在水中則不得但謂之濡軌矣。

段氏經韻樓集曰軌之本義謂輿之下兩輪之間也。輿之下兩輪之間成扁方形是曰軌。軸之上爲軛。軛之上爲輿。引之案軛上爲輿則由軛以下之度卑於由輿以下之度不得以軛下爲輿下也。由軛而

軸而下至地。考工記曰：軾崇三尺有三寸也。則由軾至

地過於三尺三寸。水煖過軸而至軾，則必入輿與者，人

所居也。故傳以軾為高下之節。

引之案：軾在前者上曲而承衡，柱後者下曲而

承軾，其高下之度無定，不可以為節。

曰：由軾以下為軌。

引之案：傳作以上

說軌謂輿之下兩輪之閒，則傳何不

言由輿以下為軌，而云由軾以下平。

曰：兩輪之閒曰軌。自其廣陋言之，所謂徹廣六尺也。

案：徹謂車迹，與輿下輪內之空處無涉。

毛公曰：由軾以下曰軌。自其高下

言之。

引之案：徹迹之軌以迹之左右相距言之，轄頭所

謂軾崇三尺有三寸也。

引之案：軾謂軸之兩端，非謂由軾以下也。

毛不言兩

輪之閒者，毛意主高下，不主廣陋也。

引之案：輿橫而覆於上，輪縱而夾於

有備言之乃見扁方之形若但云由輈以下而上軌亦不及輈有不及兩輪則不成方矣何以知爲扁方軌亦曰徹徹者通也中空而通也軌徹以空方立名非有物也故必假輪與輈以爲言引之案段氏此說其誤有三傳文三言由三言以上皆謂水之所至今以由膝以上由帶以上爲水濡之度而由輈以上則但釋車軌之名而不及水之高下同一文義而上下異訓其誤一傳文由軸以上爲濡軌今本誤作由輈以上爲軌輈字誤而上字則不誤未嘗云由輈以下也今改上爲下而創爲輈下輪內爲軌之說遍考書傳皆無此訓其誤二經言濡軌實有其物若輈下輪內之空處則不可以言濡矣

傳曰濡漬也。謂轉頭入水爲水所漚也。輿下輪內之空處何物之可漚乎。其誤三。且高誘所謂兩輪閒者指徹廣言之。非謂輿下空處也。高氏之說凡三見。一爲齊策車不得方軌注。一爲呂氏春秋勿躬篇車不結軌注。一爲淮南覽冥篇車軌不接於遠方之外注。夫所謂方軌者方並也。軌徹迹也。鄭注考工記匠人曰經緯之涂皆容方九軌。軌謂徹廣是也。班固東都賦方軌並跡。方猶並也。軌猶跡也。所謂結軌者卽結徹也。管子小匡篇作車不結徹。徹者跡也。高注曰結交也。車輪之跡求往縱橫彼此交錯。故曰結交也。若輿下輪內之空處則彼此不能交錯矣。史記司

馬相如傳結軌還轅東鄉將報索隱引張揖曰結屈也
軌車迹也蓋車本西行還車東鄉則其迹亦屈曲而向
東也若與下輪內之空處則莊子胠篋篇足跡接乎諸
侯之境車軌結乎千里之外車軌與足跡並言則軌之
爲跡可知所謂車軌不接於遠方之外者謂卻走馬以
糞則兵車轍迹不交於遠方也車迹可並列亦可邪交
邪交則相接矣若與下輪內之空處雖值兩車相隨之
並列之時而爲轍與是高所注軌字皆謂徹廣考工記
軌所隔亦不相接車人職曰徹廣六尺謂兩輪所踞相距之度也故高注
曰兩輪閒曰軌正以在地之徹廣言之非謂與下空方

之處也不然則輿下空方之處彼此不能相交。高注呂氏春秋結軌。何以曰結交也。車兩輪閒曰軌乎。必徹迹而後相交。其非謂輿下空方之處明矣。且高意若謂輿下空方之處則其注必曰輿下至地曰軌。或曰輿下輪內曰軌。而其義始明。豈得但曰兩輪之閒乎。輪崇六尺六寸。輿下至地不滿四尺。又豈得以兩輪之閒爲輿下至地之度乎。要而論之。毛傳本謂水由軸以上爲濡軌。非謂車由軌以下爲軌。則輿下之說無根。高注本謂兩輪閒之徹廣。非謂兩輪閒之空方。則輪閒之訓亦舛。至徹之爲車跡。古今所同。乃亦以空方之處言之。謂爲中

空而通則考之經典驗之傳注無一合者矣。此段氏千慮之一失。學者勿爲苟同可也。

伊子來暨

谷風篇不念咎者伊子來暨。毛傳曰暨息也。箋曰君子忘舊不念往昔。年稚我始來之時安息我。引之謹案如傳箋說則伊子來三字與暨字義不相屬。今案伊惟也來猶是也。皆語詞也。暨讀爲愾愾怒也。此承上有澆有潰言之。毛傳澆澆武也潰潰怒也言君子不念咎日之情而惟我是

怒也。文四年左傳諸侯敵王所愾。杜注曰愾恨怒也。小雅彤弓箋諸侯敵王所愾。釋文愾苦愛反。很也。說文作

鑪火既反云怒戰也。火既反正與塋字同音。凡字之從氣從既者。往往通用。說文氣饋客芻米也。或作𩇛。或作𩇛。既小倉也。論語曰。不使勝食既。今本論語既作氣。聘禮記曰。如其饗餼之數。鄭注。古文餼爲既。中庸既稟稱事。鄭注。既讀爲餼。曹風下泉篇。懌我寤歎。楚詞九。伊予來塋。與反予來赫同意。赫亦怒也。歎注引作慨。凡詩中來字。如此篇之伊予來塋。及四牡之將母來諗。采芑之荆蠻來威。桑柔之反予來赫。江漢之淮夷來求。淮夷來鋪。王國來極。皆是語詞。解者皆訓爲往來之來。遂致詰謫爲病。說見釋詞。

汎汎其景

二子乘舟篇。汎汎其景。釋文。景如字。或音影。正義曰。觀

之汎汎然見其影之去往而不礙引之謹案景讀如憬
魯頌泮水篇憬彼淮夷毛傳曰憬遠行貌下章言汎汎
其逝正與此同意也士昏禮姆加景今文景作憬是憬
景古字通

作于楚宮 作于楚室

鄘風定之方中篇定之方中作于楚宮揆之以日作于
楚室引之謹案于當讀曰爲謂作爲此宮室也古聲于
與爲通聘禮記賄在聘于賄鄭注于讀曰爲是也張載
注魏都賦李善注謝朓和伏武昌詩王融曲水詩序引
詩竝作作爲楚宮作爲楚室是張李所見本于字皆作

爲正義亦曰。作爲楚邱之宮。作爲楚邱之室。

匪直也人 匪風發兮匪車偈兮 如匪行邁

謀 匪伊亟之 匪伊卷之

小雅小閔篇。如匪行邁謀。是用不得于道。箋曰。匪非也。君臣之謀事如此。與不行而坐圖遠近。是於道路無進於跬步。何以異乎。襄八。年左傳。子駟引詩云云。杜預注曰。匪彼也行邁。謀謀於路人也。不得于道。祇無適從也。顧氏甯人杜解補正曰。案詩上文云。謀夫孔多。是用不集。發言盈庭。誰敢執其咎。則杜解爲長。古人或以匪彼通用。一十七年引詩。彼交匪敖。作匪交匪敖。惠氏定宇

毛詩古義曰案此必三家詩有作彼者故杜據彼爲說
兩無正云如彼行邁其意略同又漢書引桑扈詩亦作
匪荀子勸學篇引采芣詩匪交匪舒今詩上匪字作彼
或古匪彼通用如顧說也家大人曰案廣雅曰匪彼也
其訓蓋本於三家小閔三章曰如匪行邁謀是用不得
于道四章曰如彼築室于道謀是用不潰于成語意正
相同則匪卽彼也是以廣雅及杜注皆訓匪爲彼詩中
匪字多有作彼字用者鄘風定之方中篇匪直也人毛傳
曰匪徒庸君訓匪直爲匪徒訓人爲庸君皆失之秉心塞淵言彼正直之人秉
心塞淵也檜風匪風篇匪風發兮匪車偈兮言彼風之

動發發然彼車之驅偁偁然也

毛傳曰發發飄風非有道之車漢書王吉傳吉引詩說曰是非古之風也發發者是非古之車也揭揭者皆失之

士篇匪伊丕之帶則有餘匪伊卷之髮則有旃言彼帶

之丕則有餘彼髮之卷則有旃猶上文言彼都人士丕

帶而厲彼君子女卷髮如蠆也

箋曰言士非改丕此帶也帶於禮自當有餘也

女非故卷此髮也髮於禮自當有旃也失之說者皆訓匪爲非而其義遂不

可通矣

狐裘且狂

載馳篇狐裘且狂毛傳曰是乃狐幼裘且狂引之謹案
隱四年穀梁傳曰衛人者狐裘也上文許人已是狐裘

不須更言眾矣。當讀爲終終猶既也。

詳見前終風終且暴條下

溫且惠。既溫且惠也。終風且暴。既風且暴也。終婁且貧。既婁且貧也。終和且平。既和且平也。終善且有。既善且有也。終穉且狂。既穉且狂也。此詩之例也。古字多借眾爲終。史記五帝紀。怙終賊刑。徐廣曰。終一作眾。周頌振鷺篇。以永終譽。後漢書崔駰傳。終作眾。韓策。臣使人刺之。終莫能就。史記刺客傳。終作眾。今本眾下有終字。後人據韓策加之也。皆是也。穉者。驕也。管子重令篇。工以雕文刻鏤相穉尹。知章注曰。穉。驕也。集韻。穉。陳尼切。白驢矜貌。莊子列御寇篇。以其十乘。驕穉。莊子是其證。此承上文而言。女子善懷。亦各有

道是我之欲歸未必非也而許人偏見輒以相尤則既
驕且妄矣蓋自以爲是驕也以是爲非妄也傳不知眾
之爲終又以穉爲幼穉許之大夫豈必人人皆幼耶

士貳其行 其儀不貳

衛風氓篇女也不爽士貳其行箋曰我心於女故無差
貳而復關之行有二意正義曰言我心於汝男子也不
爲差貳而士何謂二三其行於已也引之謹案貳與二
通既言士貳其行又言士也罔極二三其德文義重沓
非其原本也貳當爲貳之譌貳音他得切卽貳之借字
也洪範衍貳史記朱微子世家作衍貳管子爾雅爽差
正篇如四時之不貳卽易之四時不貳也

也。爽，貳也。鄭注豫卦彖傳曰：貳，差也。是爽與貳同訓爲差。女也不爽，士貳其行，言女也不差，士則差其行耳。爾雅說此詩曰：晏晏，旦旦，悔爽，貳也。郭注曰：傷見絕棄，恨士失也。然則悔爽，貳者，正謂恨士之爽，貳其行，據爾雅所釋詩之作貳明矣。箋解女字爲汝，貳字爲二，皆失之。其釋不爽曰：無差，貳則無差，貳之譌也。差，貳即差，貳也。呂氏春秋季夏紀，無或差貳。以差貳之解，解士貳其行，則得之矣。又曹風鳩鳴篇：其儀不貳。毛傳曰：貳，疑。箋曰：執義不疑，正義釋貳疑曰：釋言文。言當爲詰。執義如一，無疑貳之心，引之謹案，古無訓貳爲疑者。爾雅釋言亦無貳疑也。之交惟釋詰曰：

貳疑也。蓋毛鄭本貳作貳，故訓以爲疑。周語：平民無貳。貳誤作貳。韋注。

遂以疑貳釋之。正與此同。貳者貳之譌，貳卽貳之俗字。緇衣引此詩

曰：淑人君子，其儀不貳。釋文：不貳，他得反。本或作貳，是

緇衣之不貳，亦有作不貳者。貳亦貳之譌也。說文：貳，貳也。貳亦貳。

之。孝經及經解大學荀子富國篇呂氏春秋先已篇引

此詩並作貳。高誘曰：貳，差也。蓋貳本字也。貳俗字也。貳

譌字也。其儀不貳與棘國爲韻。貳棘國古韻皆之部。入聲貳字爲脂部去聲脂之二部。古不相通。學

者當據他書之引作貳，以訂毛鄭本之貳爲貳，則古字

之假借以明後人不察而徑改爲貳，意則是而文則非

矣。玉篇曰：貳疑也。則所見毛詩已改貳爲貳，故於貳下

誤收疑也之訓此詩釋文但曰不貳他得反而不列作貳之古字竝不列作貳之譌字亦以闕略失之惟孔穎達正義曰無疑貳之心則所見本尙作貳而貳爲貳之譌貳爲貳之俗皆可推測而知也經傳貳字多譌作貳互見禮記宿離不貸周語成事不貳下

能不我知 能不我甲

芄蘭篇一章雖則佩觿能不我知毛傳曰不自謂無知以驕慢人也箋曰此幼穉之君雖佩觿與其才能實不如我眾臣之所知爲也惠公自謂有才能而驕慢所以見刺二章雖則佩褱能不我甲傳曰甲狎也箋曰此君

雖佩鞬與其才能實不如我祗臣之所狎習引之謹案
詩凡言甯不我顧既不我嘉子不我思皆謂不顧我不
嘉我不思我也此不我知不我用亦當謂不知我不狎
我非謂不如我所知不如我所狎也能乃語詞之轉亦
非才能之能也能當讀爲而言童子雖則佩觿而實不
與我相知雖則佩鞬而實不與我相狎鄭風狡童篇彼
言今彼狡童兮不與
我會兮與此同意。蓋刺其驕而無禮疏遠大臣也雖
則之文正與而字相應雖則佩觿而不我知雖則佩鞬
而不我用猶民勞曰戎雖小子而式宏大也陳風宛丘
篇洵有清
兮而無望兮亦古字多借能爲而易履六三眇能視跛
於句首用而字能履虞翻本能作而

荀子解蔽篇爲之無益於成也求之無益於得也憂戚之無益於幾也則廣焉能弃之矣趙策建信君入言於王厚任者以事能重責之能並與而同管子侈靡篇不欲強能不服習而不牧墨子天志篇少而示之黑謂黑多示之黑謂白少能嘗之甘謂甘多嘗之甘謂苦韓詩外傳貴而下賤則眾弗惡也富能分貧則窮士弗惡也智而教愚則童蒙者弗惡也崔駰大理箴或有忠能被害或有孝而見幾能亦而也

嘆其濕矣

王風中谷有蓷一章中谷有蓷嘆其乾矣毛傳曰蓷離也嘆菸貌陸草生於谷中傷於水二章嘆其脩矣傳曰脩且乾也三章嘆其濕矣傳曰離遇水則濕箋曰離之傷於水始則濕中而脩久而乾引之謹案嘆或作煖說文曰嘆乾也引說卦傳燥萬物者莫嘆乎火又曰煖乾

兒則曠爲狀乾之辭。非狀濕之辭。可云曠其乾。不可云
曠其濕也。而云曠其濕矣者。此濕與水濕之濕異義。濕
亦且乾也。廣雅有曠字。云曠也。眾經音義引通俗文曰。
欲燥曰曠。玉篇曠邱立切。欲乾也。古字假借。但以濕爲
之耳。草乾謂之脩。亦謂之濕。猶肉乾謂之脩。亦謂之臘。
釋名曰。脯搏也。乾燥相搏著也。又曰脩。脩縮也。乾
燥而縮也。玉篇臘邱及切。胸脯也。二章之脩。三章之濕。與一章之乾同。

意故其狀之也。皆曰曠。曠者乾之貌也。歲旱則草枯。雕
之乾乃傷於旱。非傷於水也。詩言中谷。不必皆有水之
地。葛覃之詩曰。葛之覃兮。施于中谷。固非蔓延於水中
也。毛云。陸草生於谷中。傷於水。乃不得其解而爲之辭。

說文𦵏。水濡而乾也。引詩。段氏說文𦵏字注。謂𦵏即𦵏。日𦵏其乾矣。誤與傳同。字之假俗。𦵏𦵏也。益曲徇毛傳之說。徧考書傳。無以𦵏爲𦵏者。且經云。𦵏其乾。不云𦵏其𦵏也。段說非是。

亦莫我聞 則不我聞

家大人曰。葛藟篇。謂他人昆。亦莫我聞聞。猶問也。謂相

恤問也。古字問與聞通。

詳見旅卦終莫之聞也下。

上文曰。亦莫我顧。

亦莫我有。

有謂相親有也。

此曰。亦莫我聞。顧也有也。聞也。皆親

愛之意也。旅象傳曰。喪牛之凶。終莫之聞也。謂莫之恤

問也。解者多失之。大雅雲漢篇。羣公先正。則不我聞聞。

亦謂恤問也。上文曰。羣公先正。則不我助。下文曰。昊天

上帝則不我虞虞亦助也詳見則不我虞下意皆相近解者亦失之

咸林

鄭譜曰初宣王封母弟友於宗周畿內咸林之地是爲鄭桓公引之謹案咸當作或或者械之借字也古音或如械故械通作或或與咸字形相侔因誤作咸耳史記鄭世家索隱引世本云桓公居械林

兩服上襄

鄭風大叔于田篇兩服上襄兩驂鴈行箋曰襄駕也上駕者言爲眾馬之最良也家大人曰鄭以上襄爲眾馬之最良則上襄二字意不相屬予謂上者前也上襄猶

言前駕謂竝駕於車前。卽下章之兩服齊首也。鴈行謂在旁而差後如鴈行。然卽下章之兩驂如手也。上襄與鴈行意正相對。若以上襄爲馬之最良。則與鴈行迥不相涉矣。古者上與前同義。易言上古謂前古也。孟子言上世謂前世也。禮記言報上社謂前社也。問喪篇呂氏春秋安成篇曰。自此以上者。亡國不可勝數。高注。上猶前也。微子曰。我祖底遂陳于上。我用沈酗于酒。用亂敗厥德于下。上下卽前後也。

邦之司直

羔裘篇。彼其之子。邦之司直。毛傳曰。司。主也。正義曰。一

邦之人主以爲直家大人曰直謂正人之過也襄七年

左傳曰正曲爲直杜注曰正人曲大戴禮衛將軍文子

篇直己而不直人謂正己之過不正人之過也孟子滕

文公篇不直則道不見我且直之謂正墨者夷之之過

也趙注云直言爾雅丁丁嚶嚶相切直也謂切正朋友

之過也小雅伐木箋引此而釋韓子人主篇子胥忠直

夫差而誅於屬鏹謂正夫差之過也主正人過則謂之

司直淮南主術篇湯有司直之人高注曰直不呂氏春

秋自知篇作湯有司過之士漢書而官公卿表丞相司

直掌佐丞相舉不法是也襄二十七年傳宋左師請質

公與之邑六十。以示子罕。子罕曰：以誣道蔽諸侯罪莫大焉。縱無大討，而又求黨，無厭之甚也。削而投之。君子曰：彼已之于邦之司直，樂喜之謂乎？是邦之司直主正人過之明證，正義失之。

遵大路兮

次章

遵大路，次章。遵大路兮。摯執子之手兮。無我勗兮。不寤好也。家大人曰：此章路字當作道，與下文手勗好爲韻。道猶路也。變文協韻耳。若洪範言無有作好，遵王之道，無有作惡，遵王之路也。若蒙上章遵大路之文，則與下三句韻不相協。凡詩之例，次章第二句，第四句變首章。

之韻而第一句不變韻則第三句亦不變韻若兔置次章之肅肅免置仍與赳赳武夫爲韻小星次章之嘒彼小星仍與肅肅宵征爲韻是也若次章全變首章之韻則第一句先變韻而下三句從之若終風次章之終風且蠶與來來思爲韻相鼠次章之相鼠有齒與止止俟爲韻其變韻皆自第一句始也此章下三句旣變韻則第一句亦當變韻否則自亂其例矣

宜言飲酒

友曰雞鳴篇宜言飲酒箋曰宜乎我燕樂賓客而飲酒正義曰宜乎者謂閒暇無事宜興賓客燕與上宜有別

也。家大人曰：此承上宜之而言。宜亦當訓爲有。猶弋言加之，承上弋鳧與鴈而言也。不當上下異訓。毛於上宜之訓，宜爲有，則此句宜字亦爲有可知。爾雅宜有也。李巡注曰：宜，飲酒之有。正義引。是宜言飲酒之宜，訓爲有矣。蓋毛詩說本如是。當從李巡。

知子之來之

知子之來之，雜佩以贈之。引之謹案：來讀爲勞來之來。爾雅曰：勞來，勤也。言知子之恩勤之，我則雜佩以贈之也。小雅大東篇：東人之子，職勞不來。毛傳曰：來，勤也。正義曰：以不被勞來爲不見勤，故采薇序云：扶杜以勤歸。

卽是勞來也是古者謂相恩勤爲來此言來之下言順
之好之義相因也箋讀來爲往來之來疏矣。

子之還兮

齊風還篇子之還兮。毛傳曰。還便捷之貌。韓詩作嫺。云
好貌。家大人曰。韓詩說是也。二章子之茂兮。毛傳曰。茂
美也。三章子之昌兮。毛傳曰。昌盛也。箋曰。佼好貌。昌茂
皆好。則嫺亦好也。作還者。假借字耳。說文嫺好也。義本
韓詩。廣雅同好貌。謂之嫺。猶美玉謂之璿矣。

漢書地理志曰。臨留名營邱。故齊詩曰。子之營兮。顏師
古曰。毛詩作還。齊詩作營。之。往也。言往適營邱。錢氏蒼

問曰營爲地名則茂與昌亦地名釋邱云涂出其後昌邱卽此詩之昌與家大人曰齊詩說以營爲營邱非也凡詩中旄邱頓邱宛邱之類皆連邱字言之無單稱上一字者營本作嫵嫵昌茂皆好也作還作營者俗字耳錢曰古人讀營如環韓非子云蒼頡之作書也自環者謂之私背私者謂之公說文引作自營爲人背人爲公是營卽環也釋邱水出其左營邱郭景純謂滿水過其南及東是營邱本取回環之義營還同物非別音也若以子之營爲子適營邱則下文子之茂兮子之昌兮皆不可通矣錢以茂與昌爲地名又以昌爲爾雅之昌邱皆非也地名昌邱不得但謂之昌且鄭風又言子之丰兮子之昌兮矣豈得亦以丰昌爲地名乎

捐我謂我儂兮

捐我謂我儂兮。毛傳曰：儂，利也。韓詩作嫀云：好貌。家大人曰：韓詩說是也。二章言好，三章言臧，臧與好同義。則嫀亦同也。屬雅嫀好也。義本韓詩。陳風澤陂篇有美一人，碩大且卷。毛傳曰：卷，好貌。釋文：卷，本又作嫀，是其證也。作儂者，聲近而借耳。說文：鬢，髮好也。詩曰：其人美且鬢，鬢與嫀義亦相近。

其魚魴鰈

敝笱篇：敝笱在梁，其魚魴鰈。毛傳曰：鰈，大魚。箋曰：鰈，魚子也。魴也。鰈也。魚之易制者。正義曰：孔叢子云：衛人釣

於河得鰓魚。其大盈車。是鰓爲大魚也。傳以鰓爲大魚。則以大爲喻。箋以鰓若大魚。則強笱亦不能制。不當以弊敗爲喻。且鰓非極大之魚。與鰓不類。故易傳以爲小魚。易制引之謹案。孔叢子僞書不足爲據。傳鰓大魚當作鰓鰓大魚。下章傳曰。鰓鰓大魚。此亦當云鰓鰓大魚。寫者脫去鰓字耳。或曰傳當作鰓魚。無大字案經云其魚鰓鰓則鰓之爲鰓也。鰓也。鰓也。魚之形魚已明。何須又言鰓魚乎。或說非。體差大者。故曰大魚。非必盈車之魚。而後謂之大也。下文其魚鰓鰓。傳曰。鰓鰓大魚。或曰當作鰓魚。非是。豳風九罭篇。九罭之魚。鰓鰓。傳曰。鰓鰓大魚也。皆謂形體差大之魚。曷嘗有其大盈車者乎。鰓之形狀。傳注無明文。以聲近之。

字求之。蓋卽鮠也。爾雅：鮠，鮠。郭注曰：今鯪魚，俗鮠而大。陳藏器本草拾遺曰：鮠魚，俗鮠，生江湖間。今楊州人謂

之鯪子魚，聲如混，或如袞。鯪與雲爲韻，當讀古魂反。鮠

郭璞音胡本反。見爾雅二字聲相近。今音見匣二母，古

分。蓋鮠或作鯪，後人失其讀，因分以爲二耳。說文：鯪，魚也。

已誤字又作鯪。潘岳西征賦：弛青鯪於網鉅，解頰鯪於

黏微。蓋鮠有青白二色，青者謂之青鯪。鯪與鯪古正同

音。是晉世方言猶謂鮠爲鯪也。鮠爲魚名，故與魴鯪並

列。若以爲鯪鯪之鯪，則鯪爲魚明。見內則鄭注：尙未成魚，不

得云其魚魴鯪矣。且魚卵無入笱中之理，何爲因敝笱

而詠之乎。鄭說失之。

抑若揚兮

猗嗟篇抑若揚兮。毛傳曰：抑，美色。正義曰：揚，是頹之別。

名，抑爲揚之貌。故知抑爲美色。引之謹案：抑與懿，古字

通。小雅十月之交篇抑此皇父。箋云：抑之言噫。釋文：抑。徐音噫。大雅瞻卬篇懿厥哲婦。箋云：懿有所痛傷之

聲也。正義曰：懿與噫字雖異，音義同。是抑卽懿也。楚語作懿，以自微。韋注：懿詩大雅抑之篇也。懿讀之曰抑。

爾雅：懿，美也。故傳以抑爲美色。重言之，則曰抑抑。大雅

假樂篇：威儀抑抑。傳曰：抑，抑，美也。

舞則選兮射則貫兮

毛傳曰：選，齊貫。古亂反。中也。箋曰：選者，謂於倫等最上貫

古。習也。正義曰。選之爲齊。其訓未聞。當謂其善舞。齊於樂節也。箋以美其善舞。當謂舞能勝人。故易傳以爲倫等中之上選也。家大人曰。毛說是也。史記平準書曰。吏道益雜。不選。謂雜出不齊也。仲尼弟子傳。任不齊字。選是選與齊同義字。亦作撰。賈子等齊篇曰。撰然齊等是也。樂記曰。行其綴兆。要其節奏。行列得正。更進退得齊焉。謂舞者之齊於樂節也。鄉射禮。不貫。不釋。鄭彼注曰。貫猶中也。不中正。不釋筭也。是貫與中同義。卽上章所云終日射侯不出正也。善舞者齊。善射者中。故曰舞則選令。射則貫令。若以選爲上選。貫爲貫習。則舞亦可。

稱賢習射亦可稱上選轉覺其泛而不切矣。

行役夙夜無寐

魏風陟岵篇行役夙夜無已行役夙夜無寐引之謹案寐讀爲沫。無沫猶無已也。楚辭離騷曰芬至今猶未沫。招魂曰身服義而未沫。王逸注竝云沫已也。作寐者假借字耳。

爰得我直

碩鼠篇首章曰爰得我所。二章曰爰得我直。毛傳曰直得其直道。引之謹案詩言直不言直道。此詩是國人刺其君之重斂使民不得其所。非謂不得其直道也。直當

讀爲職。職亦所也。哀十六年左傳。克則爲卿。不克則烹。固其所也。史記五子胥傳。作固其職也。是職與所同義。管子明法解篇曰。孤寡老弱不失其職。漢書景紀曰。令。亡罪者失職。武紀曰。有免失職。使者以聞。宣紀曰。其加。賜鰥寡孤獨高年帛。毋令失職。失職皆謂失所也。故得。所亦謂之得職。管子版法解曰。聖人法天地以覆載萬。民故莫不得其職。漢書趙廣漢傳。廣漢爲京兆尹。廉明。威制豪彊。小民得職。顏注曰。得職各得其常所也。職直。古字通。故脯五臟之職又作植。鄉射禮記薦脯用籩五臟注。今文職或作植。羊舌職之職又作殖。左傳宣十五年羊舌職說苑善說篇作羊舌殖。赤殖之殖。

又作臠

商賁賦土赤墳墳釋文墳鄭作臠

脂膏臠敗之臠

又作機考工記弓

人注機脂膏臠敗之臠

子有廷內 洒埽庭內

唐風山有樛篇子有廷內弗洒弗埽引之謹案一章之衣裳車馬二章之廷內鍾鼓皆二字平列字各爲義廷與庭通庭謂中庭內謂堂與室也序曰有朝廷不能洒埽朝謂路寢廷謂路寢之庭也周官寺人王之正內五人鄭注曰正內路寢夏小正傳曰燕操泥而就家入人內此皆兼堂室而言之者也亦有專謂室爲內者明堂位正義引尚書大傳曰天子堂廣九雉三分其廣以二

爲內五分其內以一爲高韓子內儲說篇曰燕人李季
好遠出其妻私有通於士季突至士在內中史記封禪
書曰有芝生殿房內中淮南衡山傳曰閉太子使與妃
同內褚少孫續外戚世家曰女亾匿內中牀下刻女傳
節義傳曰兄子與其已子在內中漢書武帝紀曰甘泉
宮內中產芝顏師古注內中謂後庭之室也鼂錯傳曰家有一堂二內
論衡別通篇曰富人之宅以一丈之地爲內內中所有
柙匱所羸縑布絲帛也貧人之宅亦以一丈爲內內中
空虛徒四壁立吉驗篇曰光武帝生於濟陽宮後殿第
二內中此皆專指室而言之者也廷內謂庭與堂室非

謂庭之內也。內則曰灑埽室堂及庭。弟子職曰。凡拊之道。堂上則播灑。室中握手。是灑埽之事。尤重堂室。豈有言庭而不及堂室者乎。大雅抑篇。灑埽庭內。義與此同。正義曰。灑埽室庭之內。非也。毛鄭皆未解。廷內二字。故具論之。

系衣朱襪 從子于鵠

家大人曰。易林否之師曰。揚水潛鑿。使石絜白。衣絜表朱。遊戲皋沃。其文皆出唐風揚之水篇。衣絜表朱。卽絜衣。朱襪襪之爲言表也。呂氏春秋忠廉篇。臣請爲襪高。誘注曰。襪表也。同。廣雅新序節士篇。作臣請爲表。班固幽

通賦單治裏而外周。張脩襪而內逼。曹大家注與高誘同。易林訓襪爲表。與毛詩異。始本於三家。與其遊戲。皋沃卽從子于沃。從子于鵠也。鵠與皋古同聲。若定四年春秋之皋鼫。公羊作浩油。爾雅皋皋瑁瑁。樊光本皋皋作浩浩矣。浩鵠俱以告爲聲。鵠之作皋。蓋亦本三家也。

子兮子兮

綢繆篇子兮子兮。如此良人何。毛傳曰子兮者。嗟茲也。正義曰。茲此也。嗟歎此身不得見良人。引之謹案。訓茲爲此。非傳意也。嗟茲卽嗟嗟。說文嗟。嗟也。廣韵。嗟。憂聲也。秦策曰。嗟嗟乎。司空馬。管子小稱篇曰。嗟茲乎。聖

人之言長乎哉說苑貴德篇曰嗟茲乎我窮必矣楊雄
青州牧箴曰嗟茲天王附命下土皆歎辭也或作嗟子
楚策曰嗟乎子乎楚國亡之日至矣儀禮經傳通解續
引尚書大傳曰諸侯在廟中者慨然若復見文武之身
然後曰嗟子乎此蓋吾先君文武之風也夫是嗟子與
嗟嗟同經言子兮猶曰嗟子乎嗟嗟乎也故傳以子兮
爲嗟嗟箋謂子兮子兮斥娶者始失其義其注尚書大
傳又曰子成王也案嗟子乎乃諸侯之辭諸侯之於天
子豈得稱之爲子哉斯不然矣

王事靡盬

鴉羽曰王事靡盬不能蓺稷黍小雅四牡曰王事靡盬

我心傷悲

林杜同

又曰王事靡盬不遑啟處

采薇同

又曰王

事靡盬不遑將父王事靡盬不遑將母林杜曰王事靡

盬繼嗣我日又曰王事靡盬憂我父母

北山同

鴉羽傳曰

盬不攻致也箋曰我迫王事無不攻致故盡力焉既則

罷倦不能播種五穀四牡傳曰盬不堅固也

采薇北山箋同案毛

鄭皆讀盬為良盬之盬故曰不攻致不堅固也良盬之

盬或作楛又作苦荀子議兵篇械用兵革窳楛楊倞注

曰楛不堅固也呂氏春秋誣徒篇從師苦而欲學之功

也高誘注曰苦不精致也苦楛盬並同義孔穎達不得

其解乃曰盬與盩字異義同引昭元年左傳於文皿盩

為盩穀之飛

亦為盩以證盬為不攻牢不堅固之意失

其指林杜箋曰王事無不堅固故我行役續嗣其日言

常勞苦無休息也。北山箋曰。王事無不堅固。故我當盡力勤勞於役。久不得歸。父母思已而憂也。引之謹案。如毛鄭所解。則是王事無不堅固。是以勞苦不息。勞苦不息。是以不得養父母。王事靡盬之下。須先述其勞苦不息。而後繼之以不能藝稷黍云云。始失之迂矣。今案。盬者。息也。王事靡盬者。王事靡有止息也。王事靡息。故不能藝稷黍也。王事靡息。故不遑啟處。不遑將父母也。王事靡息。故我心傷悲也。王事靡息。故繼嗣我日也。爾雅曰。棲遲。憩休。苦息也。苦讀與靡盬之盬同。周官鹽人。共其苦鹽。杜子春讀苦爲盬。謂出鹽直用不陳。治典。婦功。

辨其苦良。鄭司農讀苦爲鹽。謂分別其絲帛與布紵之
麤細。呂氏春秋誣徒篇從師苦而欲學之功也。高注曰。
苦讀如鹽會之鹽。不精至也。是鹽與苦通。良鹽之鹽通
作苦。猶靡鹽之鹽通作苦也。解經者於詩之靡鹽。則訓
爲不功致不堅固。而不知其卽爾雅苦息也。之苦於爾
雅之苦息也。則誤讀爲勞苦之苦。而不知其卽詩之靡
鹽。郭璞注爾雅苦息也。曰苦勞者。定止息。乃不得其解。而爲之亂。蓋古字之假借。在漢
人已有不能盡通其義者矣。

人之爲言

采芩篇人之爲言。苟亦無信箋曰。爲言。謂爲人爲善言。

以稱薦之。釋文曰：爲言于僞反。或如字。本或作僞字。非。

正義曰：人之詐僞之言，君誠亦勿得信之。王肅諸本皆

作爲言定。本作僞言。

白帖詐僞類引此亦作僞言

引之謹案。正義說

是也。序曰：刺獻公好聽讒，則人之爲言，卽民之譌言也。

說文曰：譌，謫言也。從言爲聲。詩曰：民之譌言。今小雅沔

水正月竝作民之訛言。沔水箋曰：訛，僞也。言小人好詐

僞爲交易之言。正月箋曰：訛，僞也。人以僞言相陷。大晉

語曰：僞言誤衆，是其義也。

堯典平秩南訛。史記五帝紀作南訛。小司馬本作南爲漢

書王莽傳作南僞。月令作爲譌巧。鄭注曰：今月令作爲爲詐僞。定十二年左傳子僞不知。釋文僞作爲。則爲僞

譌三字古並通用。

此箋謂爲人爲善言，始失之迂矣。

奉時辰牡

秦風駟騶篇奉時辰牡毛傳曰辰時也冬獻狼夏獻麋
春秋獻鹿豕羣獸箋曰奉是時牡者謂虞人也引之謹
案冬獻狼以下與周官獸人文略同彼謂獸人獻獸以
供膳四時各有所宜此謂虞人驅禽以待射必無冬但
驅狼夏但驅麋之理然則辰牡非謂時牡也辰當讀爲
慎周官大司馬大獸公之小禽私之鄭注曰鄭司農云
大獸公之輸之於公小禽私之以自畀也詩云言私其
縱獻肩于公一歲爲縱二歲爲狔三歲爲特四歲爲肩
五歲爲慎元謂慎讀爲麋爾雅曰麋牝曰麋以上周官注案

慎爲獸五歲之名。非牝麋之名也。慎卽此詩辰牡之辰。凡字之從眞聲辰聲者。往往通用。故後鄭讀慎爲廕。大祝振祭。杜子春讀振爲慎。亦其例也。五歲爲慎。獸之最大者。故下文曰辰牡孔碩也。豨豮特肩慎。皆見詩。一歲爲豨以下。蓋三家詩說也。

有紀有堂

終南篇終南何有。有紀有堂。毛傳曰。紀基也。堂畢道平如堂也。引之謹案。終南何有。設問山所有之物耳。山基與畢道。仍是山非山之所有也。今以全詩之例考之。如山有榛。山有扶蘇。山有樛。山有苞櫟。山有嘉卉。侯栗侯梅。山有薜荔。南山有臺。北山有萊。凡云山有某物者。皆

指山中之草木而言。又如邱中有麻。邱中有麥。邱中有

李。山有扶蘇。隰有荷華。山有橋松。隰有游龍。園有桃園。

有棘。山有樞。隰有榆。山有栲。隰有杻。山有漆。隰有栗。阪

有漆。隰有栗。阪有桑。隰有楊。山有苞櫟。隰有六駮。毛傳

如馬。偃牙。食虎豹。錢氏曉微。荅問曰。詩中山有隰。有對

舉者皆草木之類。此六駮必草木之名。非獸名也。釋本

云駮。赤李。謂李之子。亦山有苞棣。隰有樹檉。墓門有棘。

墓門有梅。南山有臺。北山有萊。南山有桑。北山有楊。南

山有杞。北山有李。南山有栲。北山有桤。南山有枸。北山

有楨。凡首章言草木者二章。三章四章五章亦皆言草

木。此不易之例也。今首章言木而二章乃言山。則既與

首章不合又與全詩之例不符矣今案紀讀爲杞堂讀

爲棠條梅杞棠皆木名也

案爾雅曰杜赤棠白者棠杜赤棠釋詩有杜之杜白者棠

正釋有杞

紀堂假借字耳

左氏春秋桓二年杞侯來朝公羊穀梁並作紀侯三年公

會杞侯於郕公羊作紀侯廣韻堂字注引風俗通曰堂楚邑大夫五尚爲之其後氏焉即昭二十年棠君尚也

棠字注曰吳王閭閻弟夫既奔楚爲棠谿氏定四年左傳作堂谿楚辭九歎執棠谿以刺蓬兮王注曰棠谿利

劍也廣雅作堂谿史記齊世家索隱引管子棠巫今管子小稱篇作堂巫是杞紀棠堂古字並通也凡毛詩之

字類多假借故韓詩逶迤逶迤毛詩逶迤作委蛇韓詩于嗟復今毛詩復作洵韓詩綠蕩猗猗毛詩蕩作竹若

斯之類不

可枚舉考白帖終南山類引詩正作有杞有棠唐時

齊魯詩皆亡唯韓詩尚存則所引蓋韓詩也

柳宗元終南山祠堂

碑曰其物產之厚器用之出則璆琳琅玕夏書載璆紀堂條梅黍風詠爰宗元以紀堂爲終南之物產則是讀

紀爲杞讀堂爲棠
蓋亦本韓詩也

且首章言有條有梅二章言有紀有堂首章言錦衣狐裘二章言黻衣繡裳條梅紀堂之皆爲木亦猶錦衣黻衣之皆爲衣也自毛公誤釋紀堂爲山而崔靈恩本紀遂作此此真所謂說誤於前文變於後者矣

衡門之下 墓門有棘

引之謹案陳風衡門篇衡門之下毛傳曰衡門橫木爲門言淺陋也墓門篇墓門有棘傳曰墓門墓道之門此皆緣詞生訓恐非其本旨也門之爲象縱而不橫若謂橫木而爲門於其下則又不得謂之橫門矣前有東門

之枋後有東門之池東門之楊竊疑衡門墓門亦是城

門之名墓門有棘墓門有梅猶言東門之枋東門之楊

耳襄三十年左傳晨自墓門之濱入杜注曰墓門鄭城

門此墓門蓋亦陳之城門若魯有鹿門

左傳襄二十三年

齊亦

有鹿門

昭十年

齊有揚門

襄十年

宋亦有揚門也

昭二十一年

楚

辭天問何繁鳥萃棘負子肆情王注曰言解居父聘吳

過陳之墓門見婦人負其子欲與之淫泆肆其情欲婦

人則引詩刺之曰墓門有棘有鴟萃止故曰繁鳥萃棘

也據王注曰過陳之墓門則墓門爲陳之城門可知猶

言秦師過周北門耳王注本於列女傳蓋三家詩中有

此說也。

歌以訊止

毛鄭詩考正曰。陳墓門二章。歌以訊止。

今本止。譌作之。戴氏聲韻考曰。

廣韻六至諄字下引詩歌以諄止。然則此句止字與上句止字相應。爲語辭。凡古人之詩。韻在句中者。韻下用字不得或異。三百篇惟不可休思。思譌作息。與此處止譌作之。失詩句用韻之通例。得此正之。尤稽古所宜詳覈。引之案。唐石經止字已譌作之。釋文有訊之二字。之字蓋亦後人所改。今考續列女傳載此詩之文。正作歌以訊止。與廣韻所引訊乃諄字轉寫之譌。毛詩云。告也。合是古本作止之證。

韓詩云。諫也。皆當爲諄。諄音碎。故與萃韻。訊音信。問也。於詩義及音韻咸扞格矣。屈原賦離騷篇。謇朝諝而夕贊。王逸注引詩。諝予不顧。又爾雅。諝告也。釋文云。沈音

粹郭音碎則郭本諄不作訊明矣。今轉寫亦譌。張衡傳
思元賦注引爾雅仍作諄。釋文於此詩云。本又作諄。音
信。徐息粹反。蓋於諄訊二字未能決定也。引之謹案。訊
非譌字也。訊古亦讀若諄。小雅雨無正篇莫肯用訊。與
遐遂瘁爲韻。張衡思元賦。慎寵顯於言天。谷占水火而
妄訊。與內對爲韻。左思魏都賦。翩翩黃鳥。銜書來訊。與
匱粹溢。出秩器室。莅日位爲韻。則訊字古讀若諄。故墓
門之詩亦以萃訊爲韻。於古音未嘗不協也。學記多其
訊。或爲諄。訊字古讀若
諄。聲與諄相近。故通。訊諄同聲。故二字互通。雨無正
箋。訊告也。釋文曰。訊音信。徐息粹反。與墓門釋文同。大

雅皇矣篇執訊連連釋文曰字又作諄主制以訊誠告
釋文曰本又作諄學記多其訊鄭注曰訊猶問也釋文
曰字又作諄爾雅諄告也釋文曰本又作訊吳語乃訊
申胥韋昭注曰訊告讓也說文引作諄申胥又訊讓曰
至注曰訊告也莊子山木篇虞人逐而諄之郭象注曰
諄問之也釋文曰本又作訊徐無鬼篇察士無凌諄之
事釋文引廣雅曰諄問也文選西征賦注引廣雅諄作
訊史記賈生傳弔屈原賦訊曰索隱曰訊劉伯莊音素
對反周成解詁音粹漢書賈誼傳訊作諄李奇曰告也
又賈誼傳立而諄語張晏曰諄責讓也賈子時變篇諄

作訊楚辭九歎訊九魁與六神王逸注曰訊問也一本
作諄漢書敘傳幽通賦既諄爾以吉象令文選諄作訊
李善注引爾雅曰訊告也後漢書張衡傳思元賦古水
火而妄諄太選諄作訊舊注曰訊告也傳毅傳迪志訊
曰先人有訓我訊我誥凡此者或義為諄告而通用訊
或義為訊問而通用諄爾雅訊言也郭注曰相問訊王
篇廣韻作諄則爾雅別本有作諄者諄訊同聲故也
廣韻諄雖逆反疑也諄也告也問也集韻諄或作訊通
作諄諄諄訊同聲故同訓為問也說文楚人謂卜問吉
凶曰訊讀若賢廣韻又雖遂切與諄同音以之為問猶
諄之為問矣惟其同聲是以假借又可盡謂之諄字乎考正
之說始疏矣釋文引韓詩曰訊諫也則韓毛二家並作
訊爾雅諄告也釋文曰本又作訊則今本

作訊非轉寫之詞。訊諄俱有碎音。何以見郭璞音諄之必非訊字乎。古人引書不皆如其本字。荀所引之書作彼字。所注之書作此字。而聲義同者。則寫從所注之書。離騷云。朝諄故王逸。引詩亦作諄。張衡傳云。安諄。故李賢引爾雅亦作諄。非詩與爾雅之本。文作諄。不作訊也。續刻文傳載墓門之詩。正作歌以訊止。

猗儺其枝

檜風隰有萋楚篇。隰有萋楚。猗儺其枝。毛傳曰。萋楚。鉞弋也。猗儺。柔順也。箋曰。鉞弋之性。始生正直。及其長大。則其枝猗儺而柔順。不妄尋蔓草木。引之謹案。萋楚之枝。柔弱蔓生。故傳箋竝以猗儺爲柔順。但下文又云。猗儺其華。猗儺其實。華與實不得言柔順。而亦云猗儺。則猗儺乃美盛之貌矣。小雅隰桑篇。隰桑有阿。其葉有難。

傳曰阿然美貌難然盛貌阿難與猗儺同字又作旖旎
楚辭九辯曰竊悲夫蕙華之曾敷兮紛旖旎乎都房王
逸注曰旖旎盛貌詩云旖旎其華王引詩作旖旎而訓
爲盛貌與毛傳異義蓋本於三家也七諫曰橘柚萎杜
兮苦李旖旎九歎曰結桂樹之旖旎兮王注竝曰旖旎
盛貌

一之日 二之日

豳風七月篇一之日鶯發二之日栗烈王介甫詩說曰
彼曰七月九月此曰一之日二之日何也陽生矣則言
日陰生矣則言月與易臨至于八月有凶復七日來復

同意四月正陽也秀萋言月何也以言陰生也陰始於

四月生於五月而於四月言陰生者氣之先至者也

因見

學紀聞引之謹案此襲侯果之謬說也侯果說易七日

來復以爲七月而引此詩一之日二之日以爲呼月爲

日之證不知一之日二之日猶言一月之日二月之日

孔氏正義說之甚明特以上文七月流火九月授衣而

省月字耳

一之日于貉二之日其同蒙上四月秀萋五月鳴蜩八月其穫十月隕穽而省月字二之

日鑿冰沖沖三之日納于凌陰四之日其蚤蒙上九月築場圃十月納禾稼而省月字故一二之

下皆加之字以別之明是月中之日非謂月爲日也復

之七日與震既濟之七日皆謂從朝至莫之日亦非謂

七月爲七日也

辯見本條下

介甫可謂不善讀易又不善讀

詩者矣若云四月秀萼因陰始於是月而稱月則十月亦當爲陽所自始經之十月隕穽何以不稱日而稱月乎蠶月採桑三月事也是月五陽決一陰非陰氣先至之月矣經又何以稱月乎反復求之無一可者也蓋介甫臆造陽生言日陰生言月之說而礙於四月秀萼之文故彌縫其說如此而不知其終不可通也乃惠氏周易述尚取之以解七日來復母乃惑於曲說邪

七月鳴鵽

七月鳴鵽箋曰伯勞鳴將寒之候也五月則鳴幽地晚

寒。鳥物之候從其氣。義正義曰。王肅云。蟬及鵲皆以五月始鳴。今云七月。其義不通也。古五字如七肅之。此說理亦可通。但不知經文實誤否耳。引之謹案。是詩紀月之例。或次第相因。七月流火。八月萑葦。四月秀葷。五月鳴蜩之類。是也。或相距一月。七月流火。九月授衣。八月其穫。十月隕穽之類。是也。其有相距不止一月者。則於第三句始得轉韻爲之。如七月流火。與八月萑葦韻也。而下句蝻月條桑。則與取彼斧斯爲韻。四月秀葷。與五月鳴蜩韻也。而下句八月其穫。則與十月隕穽爲韻。蓋八月之去蝻月。五月之去八月。中間甚遠。則必轉韻以

別之此七月一篇之例也若作五月鳴鵲則與八月載
續相距兩月文甫二句而義已參差韻復無別於例爲
不倫矣肅說非是

宵爾索綯

宵爾索綯毛傳曰綯絞也

爾雅釋言文

箋曰夜作絞索引之

謹案索者糾繩之名綯卽繩也索綯猶言糾繩于茅索

綯文正相對趙岐注孟子曰晝取茅草夜索以爲綯是

也廣雅釋詁曰紉紆紉索也

此謂糾繩

楚辭離騷紉秋蘭以

爲佩王逸注曰紉索也又曰矯菌桂以紉蕙兮索胡繩

之灑灑淮南汜論篇縱麻索縷高誘注曰索切也切與

紉同謂切撚之使緊也是索爲糾繩之名也廣雅釋器

曰繩繩索也

此謂繩索

字或作縚小爾雅曰縚索也方言曰

車紉自關而東周洛韓鄭汝潁之間或謂之曲縚郭璞

注曰縚亦繩名引詩曰宵爾索縚是縚爲繩也爾雅訓

縚爲絞者絞亦繩也急就篇曰縚縚繩索絞紡縹哀二

年左傳絞縊以戮杜注曰絞所以縊人物墨子尚賢篇

曰傳說被褐帶索辭過篇曰古之民未知爲衣服時衣

皮帶芟芟與絞同是絞亦繩也

方言縚絞絞也開之東面或謂之縚或謂之縚

絞通語也郭注曰謂履中絞也義與繩謂之絞同說文芟竹索也義與絞亦相近

箋曰夜作絞

索則是以索爲繩索之索爾雅訓縚爲絞而郭注曰糾

紋繩索則是以絞爲糾絞之絞胥失之矣

亦孔之將

破斧篇亦孔之將毛傳曰將大也家大人曰大與美義相近廣雅曰將美也首章言將二章言嘉三章言休將嘉休皆美也將藏聲相近亦孔之將猶言亦孔之藏耳

經義述聞第五